

平定州志卷十六

杂志

志之体约，而该详而有要，抑有其事虽琐，而推见所以皆有由。然其义类固必有所附焉！昔班固志艺文，有杂家者流见，王治之无不贯至，于九家之说，若稗官野史皆六经之支裔，况一郡一邑事有实然，非漫美之此乎！故统以杂志而仍殊其目，所以为详也。

平定州志

杂志 古迹

凡门四

古迹 邱墓 坊表 拾遗

古迹

有古事有古迹，如韩信下赵，张奉璋筑承天城皆事也，而其舍止经行处则为迹，用是可以考其注错之由，与其胜败得失之所以。故古迹往往与史传相表里，下至名人逸士，其水某山抑末矣，而好古之士不废焉，无他，地以人著，亦尚论之一也。

州

平潭城

在州西北二十五里，世传为赵简子古城遗址尚存。

柏井城

在州东五十里，汉韩信所筑，唐长庆初裴晋公驻兵承天军分兵置守，宋太祖开宝中改为柏井寨，明嘉靖二十一年重修为柏井堡，四面据河，地势高二十丈，方二里。

许。东北隅乐平县建仓，粮草场，以备客兵刍餉。

上艾城

在州南三十里，即汉上艾县治，后魏为石艾县，宋徙治榆关，废址犹存，今为宁艾都新城村。

董卓垒

在州东北九十里，汉董卓为并州牧驻兵于此，有唐李邕撰碑，今剥落不存。延志云，汉史，灵帝征董卓为少府，卓上书言所将湟中义从即秦胡兵皆谐臣言，糜赐断

绝，妻子饥冻，皆挽臣车使不得行，及帝寝疾，玺书拜卓并州牧，令以兵属皇甫嵩，卓复上书言西兵恋卓畜养恩，乞将之北州，嵩寻显奏卓逆命状，帝以让卓，卓亦不奉诏，驻兵河东，何进使

鲍信召东都兵，以诛宦官为言，卓闻召即时就道，今郡东募北九十里，称董卓故垒在，未详其故。

猎间村亢仇城

延志云，苗生述北齐黄门侍郎颜延之家训云，吾尝从齐王幸并州，自井陘关入上艾县东数十里，有猎间村，后百官受马粮在晋阳，东百余

里亢仇城侧，并不识本是何地，博求古今皆未能晓，及检字林韵集乃知猎间是纒徐，聚亢仇是纒仇亭，悉属上艾。时太原王邵欲撰乡邑记注，因此二名，闻之大喜。

平定州志

杂志 古迹

新兴故城

在州西四十里，延志云，通志载忻州南二十里有新兴古城，汉曹操立此郡，拓

地，盖新兴其一也。张佩芳郡志考正曰，通鉴注胡三省曰新兴汉魏古郡名，以五代志考之与肆州即今忻州皆在楼烦郡秀容县。宋白曰，唐之岚州古新兴郡，今州西四十里有新镇又作辛兴非古新

也。

长城

城

张佩芳郡志考正曰，北齐文宣帝天保六年发民一百八十万，筑长城，自幽州北夏口至恒州九百余里，先是自西河总秦成筑长城，东至于海，前后所筑东西凡三千余

里，卒十里一戍，其要害置州镇凡二十五所。按长城历代有之，今固关、娘子关山下为长垣，随山屈曲，堞堞犹存，疑即古长城也。史记，赵世家成侯六年中山筑长城，又肃侯十七年筑长城。

刘伯庄云，此长城在漳水之北，越南界，以地理稽之，正当此处，然年世久远，恐无复存，固当属之北齐。

苇泽城

在州东北九十里，即娘子关，隋开皇中置苇泽县，大业中废。

赛鱼城

在州西三十里，唐武德八年为受州，治，贞观八年州废，一名废受州城。

广阳城

在州西南八十里，即唐广阳县城，今名广阳村，废址犹存。曾尚赠诗：「荒村那识汉唐名，废址参差秋草生。今古伤心陵谷变，广阳村是广阳城。」

承天军城

在州东北八十五里承天山上，唐建承天军为太原恒山之界。大历元年河东节度使张奉璋筑有胡伯成记，裴晋公征河朔驻兵于此，宋太平兴国四年废承天军。

寨，明嘉靖二十年复修为承天寨。张佩芳郡志考正曰：按宋白曰，承天军太原东鄙土门路所冲也。胡三省通鉴注，广阳汉上艾县井陘关在其东，苇泽关在其东北，皆通山东之路，苇泽关即娘子关也。自唐于此筑承天军，遂为历代行师要冲，其路当随桃水而下，由州境西北达于寿阳，今大路自井陘故关入，必道州城，在承天军南，旧志韩信下井陘伐赵筑柏井城，即今大路是也。与承天军自是两路。

**涌云楼** 在州署东北隅，创于宋，名思武楼，大观四年平定州尉高公纯更名涌云，金刺史赵秉文有记，元至元二年，即其旧址改建为堂，祀赵秉文，杨云翼，元好问，李

治，名四贤堂，后益祀王构，吕思诚名六贤堂，明洪武三年知州程宗道设主其中，成化间复进耿九畴，乔毅，白侃更名崇贤堂，彭时记。嘉靖三年进邴夔，十四年进孙承祖，二十一年知州王齐更名为环翠亭。

国朝康熙二十四年知州张慎重修，乾隆十三年知州王祖庚葺，有记，乾隆三十年重修，甘肃按察使胡季堂题复旧名，元好问诗，新堂缥缈接飞楼，云锦周遭霜树秋。若道使君无妙思，冠山移得近城头。赵秉文诗，公退常临此，观风问俗闲。山川楼外布，井邑掌中看。曲水清流急，巖峰绕翠环。休言江上景，未必胜榆关。王士正涌云楼故址诗，涌云楼阁上城边，犹记尚书创建年。青嶂人烟连玉峡，绿萼花雨映桃川。金元文献谁遗老，杨赵风流果大贤。更忆左司诗律好，移家曾费买山钱。

**大钟楼** 在下城后街关帝庙前，金大德间建，明天顺八年判官赵忠重修，嘉靖四十四年善人褚惠月募修，国朝乾隆五年重修。

### 平定州志

#### 杂志 古迹

**涌泉亭** 在州南二里许流杯池上，金大安二年刺史赵秉文建，明宏治间知州吴贤重修，郡人董子翱记，万历元年知州杨梓重修，十八年太原府同知刘应文感异梦重修，朱绘

诗：亭子春阴带郭幽，遨游因爱访林邱。灵岩云气常浮白，古槛泉光静不流。独石苍苔频引坐，孤尊豪兴未全酬。悬车合就巢由隐，高卧南山最上头。

**流杯池** 在州南二里涌泉亭下，注平地为渠九曲，金刺史赵秉文修楔于此，旧址尚存。

**云日楼** 在州西北阳泉村，元仁宗来自怀孟，尝经其上，吕思诚撰碑废。

**靖阳亭** 在州北十里桃水之北，水经注靖阳亭故关城也，今废。

**知乐亭** 在州北八里郗湫上，元欧阳元有记，今为山水冲坏。

**射圃亭** 在试院西，雍正四年知州李濂建，乾隆十一年废，今址尚存。

**老君洞** 在承天山旧名保阳庵，相传老子、麻姑炼药于此。元郝天挺麻姑坛诗：贮经洞古无遗检，养药炉存失旧砂。后崖石上刻「韩愈、吴丹过此」六字，乃使镇州宣尉

王廷奏时题名也。

**白云洞** 在州北五十里方山，金进士耿守直隐于此，有静乐歌碑。

**秋林寨** 在州北百里，四山环绕，中峰突起，山顶宽平可容人数万，登降皆羊肠小径，人难征耳。  
字迹难

**茄石** 在城西门外一里许。

**蟾蜍石** 在城西沙坡，为上城来龙脉络灵石也。聂帅筑城相此始基，熟闻故老言，岁旱祷雨，就石取水，每著应验，郡人李友于有纪事诗：片石在城隅，丑怪非蒙虎。星精

落人间，蟾蜍逃月府。踈伏卧来龙，苍然形貌古。苔鲜翳双肩，尘沙没两股。本自开辟生，年深灵异睹。静涵青草暄，时触白云吐。腹蟠亲地肺，露缀涵膏乳。海客钓鳌还，相见应摩抚。手抵背膊斑，拂拭谁图谱。嘉山卸云根，黑水通脉溥沐月。沐雨金波，为霖沾桂圃。遥岑霏霏阴，仰睨秋空雨。

**丹崖石** 在州西测石村，上刻：「丹崖漱玉」四字。

**灵龟石** 在州西中上庄村北山岩间，有石突出，形如龟，下临泉，石润则雨。

**龟石** 在州西南冠山沟之东偏，头目毕现，俨如龟形，因名为龟石沟，郡人胡仲伊记。

**石鱼文印** 在州北五十里辛庄当河之冲，有石鱼二，大者长十六丈，高二丈，小者长六丈，高一丈五尺，头西尾东，远望之如逆流而上，其下流一石如印，高二丈。

## 平定州志

上方平，四面嶄然，峰立，河水环绕，相传谓之文印。

### 杂志 古迹

四

**唐槐** 在城东八十里槐树铺，槐林寺中。

**汉槐** 在城东南西锁簧村，高二十余丈，周五十余围，有宋庆历年石碣，近数十年每遇天旱祷雨其下，多有灵应。

## 乐平乡

**皋落城** 乡东南七十里，古皋落氏所居，今基址无考。

**昔阳城** 乡东五十里。左传：昭公十二年，晋荀吴伪会齐师，因假道于鲜虞遂入昔阳，八月壬午灭肥，以肥子绵皋归。杜预注：昔阳肥国都，今乐平沾县东有昔阳城，七国时

赵成此。按正义括地志云：昔阳故城，一名阳城，在并州乐平乡东，春秋释地名，昔阳肥国所都也。乐平城沾县东昔阳服姓白狄，别种也。又或谓之直阳城更谬，盖本为鼓聚也。鲁昭十五年，晋荀吴伐鲜虞围鼓，鼓人告食竭力尽，而后取之。

沾县城 乡西南三十里，汉为沾县属上党郡，隋置辽州于此，址微存。李榕沾城野望诗：野望苍山迥，凉飏晚飒然。水寒芦荻浦，秋老菊花天。战伏留残垒，登临感昔贤。清

龙且城 乡东五十里治头村北，址存。

仓肉城 乡南二里一名阳濠城，址存。

库城 乡东南七十里库城村南，址微存。

追城 北魏志，沾县有追城。

乐平故郡 晋置，隋开皇初废。

东山故县 隋志开皇十六年析乐平县置，大业初废入焉。

状元窑 距乡八十里杨赵水，旁相传金时杨云翼偕赵秉文肄业于此，云翼明昌五年进士。状元及第，秉文溢阳人，大定二十五年进士。至今名杨赵河，窑为状元洞。

龙安寨 元王构游民安里诗：下马龙安寨，仙人五字。诗白云君去后，翠幄我来时。

# 平定州志

## 杂志 古迹

八宝亭 城东里许，有乔宇咏乐平八景诗刊石壁上，道光二十五年筑亭以护之，有碑记。

瑶池馆 城西为乔少保宅，按少保议礼，罢归，拓地构宅有瑶池馆。

邱墓

刘向曰：殷汤无葬处，至哀帝建平中始得之于汾阴县。向号博极群书，奚独昧此，抑虽知其处未敢以为据耶！旧志孟有仇犹墓，寿阳有狐突，赵简子墓，至平定则有夏关龙逢墓。国朝康熙年间始得之，有石碣尚存，论者疑焉！顾以汤之圣，历子四百余年，而后得之于汉，况龙逢之乎？果其得之，岂不益远而可贵乎？设非龙逢之贤，虽丰碑大厦奕世不毁，又何关于有无之数乎！传曰：思其人，犹爱其树，用是知人之不泯于后世者，盖非偶然也。

平定州志



杂志 邱墓

六

州

夏关龙逢墓

在州北三都南峪村，康熙年间居民锄地得古碣，题曰关龙逢之墓。道光四年古坟南土陇坍塌，又得关氏世系碣，系元泰定元年勒进士吕思诚撰，南城巡检严升书，寿阳县尉昌之屏篆，碣前后载关氏世系谱，长幼昭穆厘然不紊，服官者详其职并志其地。其末节总序云：关氏颍珉之苗裔也，在夏龙逢以谏死，在周令尹喜以老子著，乃汉昭烈

将，左右厥辟，有国士风，厥从记之诚是也。旁镌吕公诗云：夜宿关家峪，晓行关氏坟。长松成偃盖，竖石刻新文。世系传三族，书丹近八分。铭章归墓侧，疏拙愧诸君。

又石艾安平西北乡，关氏世系得真良。左昭右穆彝伦叙，推本溯源德泽长。宗派远年重显耀，主裔今日复明光。无边瑞霭松间涌，石碣应流百世芳。

元魏关宝禺墓

在州北千亩坪，有武定八年纪德碑云：石艾人，冀州刺史。

唐彭国公王君廓墓

在州东立壁村西原上。按君廓叛亡突厥为野人所杀，太宗顾其功收葬，则其墓当不在此。

宁仪公主墓

在州西赵家庄。

宋宣毅指挥使杨素暨孙旭墓

在州北二里。

金耿昉暨孙升墓

在州南庙沟村，即清惠公祖塋。

辽州司候判官吕宗礼暨裔孙汉中廉访司僉事允及

允子元左丞思诚墓

在州北二里。

元州帅聂圭暨子大本墓

在州南二里，坟有墓表，李治撰。

工部尚书葛僖敏公裡墓

在州东南二里北崖下。

晋宁路总管刘忠诚墓

在州北一里，碑犹存。

瑞州路总管傅颜墓

在州东凤居口，墓道碑存。

牛铎墓

在州南白岸头，神道碑存。

都统周敏墓

在州北石家庄南。

明左布政使阎察墓

在州北二里。

### 平定州志



杂志 邱墓

七

宁府长史石撰墓

其地旧址无考。

刑部尚书耿清惠公九疇暨子吏部尚书裕墓

在州东重兴坡。

陕西副使白侃暨僉都御史白思明墓

在州东南二里。

给事中郝夔墓

在州东西郊村。

都御史朱方墓

在州东凤居口。

赠通判孙承祖墓

在州西黑沙岭。

晋府左长史李应奎墓

在州西平潭古城之右。

府尹唐宽墓

在州西大峪村。

陕西副使甄成德墓

在州南三里。

户部侍郎杨思忠墓

在州东凤居口。

曹州知州延定之暨裔孙兵备副使论墓在州东风居口。

参政窦铠墓在州东风居口。

大理寺卿张三谟墓在州东南魁星楼坡上。

户部郎中葛凝秀墓在州南庙沟村。

蒲城县知县朱忠烈公一统墓在州东风居口。

国朝署平定州知州李蕘墓在州南王家坪。

哈萨克台吉萨呢雅斯之子哈杂木墓在州迎薰门西。

陕西按察司副使王凝墓在州东天化瑞。

浙闽督标副将窦宁墓在州北城外三岔口东。

广东提督窦瑛墓在州东长乐桥北东北冈。

### 平定州志



杂志 邱墓

赠都司福建镇标守备杨彤墓在州西狮子山南。

建昌镇游击唐为岳墓在州西胡家庄。

江西赣州府知府窦忻墓在州东庙沟。

江西泗州知州张佩芳墓在州西阳泉村。

湖南永州府同知张宗文墓在州东大林山。

浙江衢州府知府曹玉树墓在州东风居口。

陕西巡抚陈士枚墓在州东重兴坡。

直隶天津府知府蔡子璧墓在州东重兴坡。



乐平乡

宋状元魏时中墓 在乡南，北棋盘街。

节度王无咎墓 在乡西巴川，子司业沟村。

进士宋之刚墓 在乡西二里。

金集贤侍读学士宋君和墓 在乡西思乐村，按太原府志作宋君和。

状元礼部尚书杨文献公云翼墓 在乡南树条峪口，子翰林院待制恕村。

状元贾廷扬墓 在乡西三里。

元郃知章墓 在乡南一里，子崇礼村。

集贤大学士宋超墓 在父君和墓侧，程巨夫撰碑。

晋阳总管杨铭墓 在乡西梁庄村。

平定州志



杂志 邱墓

孝子胡彪墓 在郭村。

明探花焦胜墓 在乡西，南坪上。

工部侍郎乔毅墓 在乡西长寿山，彭时志铭，子郎中凤，孙少卿宗村。

吏部尚书乔庄简公宇墓 在乡南洪水村，刘龙志铭。

参政李岱墓 在乡南狮子山下，子参议天衢村。

兵部尚书赵绂墓 在乡东车寺村，子参政之玺村。

御史申用休墓 在乡东民安村，重楼山下。

少卿赵思诚墓 在乡西桃花池。

副使赵紆墓 在皋落，北山下。

澠池令赵敏墓 在皋落北坪。

运使赵恒墓

在皋落东山下。

宝坻令赵国鼎墓

在钟村濠阳城。

进士睦彦墓

在乡东，东冶头村。

解元宋俊墓

在乡西二里。

孝子张启明墓

在乡南棋盘村。

孝子常守墓

在乡西二里。

孝子梁民望墓

在乡南棋盘村。

国朝江南驿盐道赵日灼墓

村桃花池祖莹。

给事中常居仁墓

在乡南棋盘村。

滦州知州李馥墓

在乡东南小石坡。

# 平定州志



杂志 邱墓

坊表

坊之名有二，汉晋皆以宫阙名，唐宋以来，始有以人名者，自是厥后，忠臣、孝子、顺孙、节妇以至科第，寿考皆得请旌，盖古者表厥宅里之义以示劝也。平定所在多有，其在通衢者，尤为人所指目第，其题词多自撰造，徃徃俚俗，故概从删而惟存其人之名焉！

州

专城坊

在十字街南。

城隍庙坊

在十字街北。

翊国福民坊

在城隍庙前。

彰瘕坊

在城隍庙坡。

平定州志

杂志 坊表

显应王坊

在本庙前。

泰山行祠坊

在马家沟。

圣母祠坊

在南坳岭前。

默赞坤元坊

在南坳庙内。

三义庙坊

在义井。

神威远震坊

在寺坡上。

精忠贯日坊

在西郭庙前。

慈云广荫坊

在西关白衣庵。

忠孝祠坊

在祠前。

节烈祠坊

在祠前。

先农坛坊

在本坛前。

进士坊二十二

白侃

耿裕

赵文萃

白思明

孙杰

杨杰

郝天成

和鹏

郝夔

白思诚

曹雷

郝元洪

白亿 朱方 唐宽 李愈  
郭纘 甄成德 杨思忠 苗敏学  
甄敬 白士麟

按科目有白鑑而无白亿，疑是鑑以为。

举人坊七十四

杨玘 和诚 杜茂 延昌  
张钊 石瑛 冯颜 张恕  
孙靖 和豫 蔡藩 杨清  
史钦 白侃 杨英 赵文萃  
荆纶 张九皋 唐盛 李琦  
靳升 延定之 郝珙 董亮

平定州志

杂志 坊表

十二

王继 张聪 和鸾 白思明  
李翔 张铎 申隆 杨杰  
郝天成 穆溥 和鹏 梁洪  
孙杰 刘勋 张宗智 王惊  
李璇 王臣 白思义 王辅  
杨聪 李琳 王士英 阎珙  
魏廷臣 赵嵩 孙侃 白思诚  
郝夔 窦璘 和承芳 白思齐  
王佐 霍淮 李时达 董大韶  
郝元深 曹自重 徐崇德 李春

张廷诏 王禔之 李时中 张禹弼  
王爵 米文 张承宗 张旭  
自氏登科 李氏登科  
按科目有冯彦而无冯  
颜，疑是彦之讹。

职官坊三十二

父子尚书耿九畴、耿裕

都御史耿九畴 吏部尚书耿裕

柱国少保太子太保吏部尚书乐平乔 宇  
坊三按前明乐平不

隶州，而宇坊及立于州，未详其故。

都御史朱方 佥事荆纶  
坊二

副使曹雷 参议郝元洪

平定州志



御史李应时 佥事白思诚

给事中郝夔 给事中李念

给事中朱绘 孙杰

御史甄成德 佥事张承宗

父子大夫李应奎、李念、李愈

太守和鸾

光禄寺卿乐平乔 宗 佥事白金

吕安  
坊名侍臣，科目无。

通判孙承祖 户部员外苗楠

知州李棠

杂志 坊表 十三

白 鉴 坊名寗台、科目、宦绩并无。

副使延 论 白期昌

三御史张 枢、张三谟、白士麟

父子柱史白 宇、白士麟 白字见封荫。

封赠坊九

李 凤 张 诚 唐廷琰 甄 鏞

杨 荣 白思聪 窦世书 白 钟

朱 凤 按：张诚、白思聪、白钟封荫均未详。

贞节坊二十九

杂志 坊表

十四

# 平定州志

潘一鸣妻刘氏 甄大治妻葛氏

赵 宜妻赵氏 魏一亨妻杨氏 旧志烈女作魏亨。

张 灏妻刘氏 白呈懿妻延氏

李璧书妻张氏 苗 瑾妻刘氏

景绵远妻葛氏 杜秉仁妻潘氏

杨 锦妻刘氏 王宪武妻郝氏

王良臣妻张氏 梁 钰妻朱氏

王学士妻朱氏 李正春妻张氏

郭 秀妻张氏 张元新妻霍氏

刘立诚妻杜氏 贾 绶妻王氏

史廷秀妻张氏

王丕基妻杨氏

旧志烈女作王培基

庐登祚妻刘氏

黄玉亮妻丁氏

石耐妻李氏

刘文学妻曹氏

黄振基妻窦氏

朱铄妻张氏

李文标妻宋氏

贞烈坊四

乐平乔毅妻高氏

张法载妻王氏

王立经妻李氏

王兴妻池氏

义民坊四

杨琼

张嵩

齐海

杨朝臣

今俱废

# 平定州志

杂志坊表

十五

## 科名坊一

文献名邦坊

知州吴安祖为嘉庆丁卯科乡试中式解元李绳宗举人王朝翰、刘垂绪、杨天德、赵发、黄瑞、李印万、张观黎、耿以德、白中元副

榜、潘令、甄方、耿以敬、曹铎、张汝乐建。

乐平乡

进士坊六

焦胜

乔毅

乔凤

乔宇

赵士吉

李岱

举人坊十九

焦胜

乔毅

乔凤

乔宗

乔嵩

乔宇

李岱

赵铸

王翥 光辉 焦恕 王端

张穆 张梦熊 王孟春 张自腾

张舜臣 王思贤 申用休 石马都

赵氏一门科第 皋落村赵氏一门世科

科名甲晋 知县刘之正为累代科第立

职官坊十三

工部侍郎乔毅 兵部郎中乔凤

光禄寺少卿乔宗

柱国少保太子太保吏部尚书乔宇 坊六其五旧废其一重修

给事中赵思诚 南漳县知县赵士翔

平定州志

杂志 坊表 十六

兵部尚书赵绂 苍梧道赵纾

封赠坊二

赵文渊 赵思忠

孝子坊一

中书舍人赵士廉

贞节坊九

赵寿昌妻李氏 宋训通妻李氏

赵廉妻常氏 阎宏中妻刘氏

马从龙妻毛氏 乔凤妾宁氏

李朝初妻赵氏 毛宏化妻刘氏



张克谦妻李氏

贞烈坊一

乔毅妻高氏

平定州志



杂志 坊表

十七

拾遺

拾遺之名始晉王嘉，其為書怪誕不经，而至  
今存而不廢，至于州，縣之有志，其體異矣。然  
如趙武之于藏山，呂思誠之為文星，或散見于他  
書，或得之于傳聞，其事其地有足相印証者，與  
其過而棄之，毋寧過而存之，是之謂拾遺。拾遺  
云者，不司遺者也，故附于志末。

沿革

路史艾侯舜穆鼎有艾侯作艾，王求以為共  
誤，并之廣陽。漢之上艾，後漢石艾，又吳有艾

平定州志

雜志 拾遺

十八

縣。隋材建寧，有艾陵，今在武寧。通志

廣陽城州東南三十里古上艾縣，後改石艾，

唐天寶初改廣陽縣，至宋徙榆關而廢。古廣陽城

在州西南，今名廣陽村。通志

唐武德八年賽魚城為受州治，貞觀八年州

廢。通志

唐建承天軍為太原恒山之界。後唐莊宗會趙

王熔于此，宋太平興國時廢，今古承天都娘子關

在焉。通志

太平興國四年以廣陽地當冲要，又先克復乃

升为平定军。按两汉俱有平定县属西河郡，莽曰阴平亭非此平定也，平定宋始更名。通志

昭公二十二年，晋荀吴使师伪余者，负甲以息于昔阳之门，遂袭鼓，灭之。杜注，乐平沾县东有昔阳城。通志

寰宇记，荀吴假道于鲜虞遂入昔阳，鲜虞在北，晋阳在南，晋恐肥为备，故从北伪东南行往会齐师，乃先还假道鲜虞，遂入昔阳。通志

刘炫曰，肥鼓并在巨鹿，有昔氏巨鹿，昔阳城。按《水经注》一卷中，昔阳城两见，一在下曲

### 平定州志

杂志 拾遗

十九

阳，一在沾县，疑有二昔阳城，盖肥都沾县，鼓都下曲阳也。通志

路史昔阳本肥

肥子后迁昔阳

今平定之乐平东五十里有

昔阳故城，昭公十二年晋灭之，故巨鹿境一日夕阳，开皇置昔阳于下曲阳，今祁之鼓城。通志

皋落城在东南七十里，即春秋皋落氏所居，汉置县，今为皋落村。

顾炎武曰：汉书地理志巨鹿下曲阳，应邵曰晋荀吴灭鼓，今鼓聚昔阳亭是也。水经注泝水东经肥累县之故城，南又东经昔阳城南，本鼓聚。

十三州志曰，今其城，昔阳亭是矣！京相潘曰，白狄之别也，下曲阳有鼓聚其说皆同。史记赵世家，惠文王十六年廉颇将攻齐昔阳取之，夫昔阳在巨鹿，故属之齐，岂得越太行而有乐平乎。通志

张佩芳曰：地名古今多同，平定以宋太祖征

河东首下之故名。然汉攻臣表有平定敬侯，齐受地志西河郡下有平定，晋武帝始置乐平郡；然汉宣帝时有乐平侯。霍山章帝名东郡之清为乐平，唐又于饶州之长乐置乐平，寿阳，晋始名县，而东晋又以淮南之寿阳春为寿阳，非详加考核，往往有以彼地之事引入此地。唯孟以山形得名，始自汉以来而亦未有同者。增

仕宦补编

金

赵子政 忠翊校尉同知领皋州元师事乐平人

元

阎友直 汲县主簿

阎惟昭 冀宁路总管府判官

阎侯 奉政大夫同知防御使

杨铭 晋阳总管以上乐平人

明

葛学禹 经历

白期昌 晋王府郡马

### 平定州志

杂志 拾遗

张汴 锦衣卫千户

白际昌 游击

蔡又齐 把总

白云鸾 守御所副千户 以上州人

赵璘 白河口巡检

路鹓 巡检

杨善 铭裔孙封兴济伯 世袭锦衣卫千户

张恩 御前将军锦衣卫千户 以上乐平人

国朝

葛紓 县丞

周光禄 浦州千总

张纬 黎州卫千总

王福 邑林镇游击

任苳 延平营游击

张宏毅 运粮千总

郭智千 内邱把总

任用章 国子监算学生 以上州人

赵洪 稷山县教谕 乐平人

平定州志

宦绩

杂志

拾遗

二十一

耿九畴轩輶皆廉介之士，操履素定天下信之。天顺初首用耿为都御史，轩为刑部尚书，耿欲纠石亨之罪为所排，黜为江西布政使，寻转四川；上知其清正，但为亨辈所嫉，一日泛论人才，念及九畴非其罪焉；因曰：此人操行诚不易得，因礼部缺人召至京，上怜其衰命为南京礼部尚书，且曰遂其优间可也。后集杂志

耿文恪初举进士任给事中时，厥父清惠公为右都御史，上言父子同在要地非宜，遂改翰林检

讨，后谪泗州判官，益励志读书，不以宠辱介意。成化改元召还翰林。。琬琰录

耿文恪官礼部尚书时，尝语人曰：吾暮自部归必经过三原王公之门，见其老苍头每持秤买油，念吾自入仕未尝买油已心窃愧。。先进遗风

### 儒林

古今类传，吕思诚，字仲实，平定州人，母冯氏梦一人乌巾白襦衫，红鞋，束带，趋而揖曰：我文星也。及悟生思诚目有神光，异之，后三为祭酒，诸生从化，将重订注疏，不果。以至

## 平定州志



杂志 拾遗

二十二

正年是日卒，年六十五，谥忠肃。

吕思诚尝病古注疏太繁，魏了翁删之太简，将约其中以成书，不果。有文集若干卷，两汉通纪若干卷。。文艺传

### 隐逸

旧志载张草亭传，阙作者名，盖传宋登春逸事也。传曰：吾友李维纯数称张草亭之奇，不知其名亦不知何许人。

初至平定，怀肉十脰，谒一学究受尚书，后稍稍露伎俩，人争物色。一日甄侍御子一，巡按河

南，便道归与共坐傲睨之，已而谭诗，举杜工部  
颯句曰，在此当罚跪。良久，山人曰：工部跪久，  
宜令且起，侍御不恚。山人曰：吾善舞剑，请以乐  
宾主，人奉剑即舞，而歌《赤壁赋》，激昂顿挫倾  
其座人。歌至固一世之雄也，而今安在哉！  
目侍御曰：吾欲杀人！便挥剑砍酒，奚断其帽，  
客皆沮丧，侍御怒径去，山人亦去。他日与谭时  
事，则四方形胜及兵马钱谷，险易盈缩之较无弗  
悉也。醉而假寐，横一木于门趾而寝处之，绿督  
以为经，勦勦然。有时写小画一二幅，鬻诸市，

## 平定州志

杂志 拾遗

二十三

易银米以自度，人益不可测，尝心异焉！

今得苗太学录宋登春诗，乃知所称张草亭即  
其人也。魏开府言，山人与吴徐宗伯善，老而无  
子，有一女，欲为之装，则走吴下，客宗伯家，  
宗伯厚遇之，家臣骄蹇山人视若已，仆甚相厌苦，  
虽宗伯亦冀其去。一日语宗伯曰：公意觉日疏，  
诸仆陵我，宗伯曰：何物敢尔，当鞭之百，山人指  
其人，宗伯鞭如数，示辱而已。山人曰：吾有女，  
求二十金糊其口，将纵观海，若穷日月所出入，  
无久滞此，为宗伯出赠金，受而辞去，徐出租酒

数行，山人曰止，毋败吾兴，叶多留酒足矣！放舟大洋呼白。引满，醉而自沈。

临邑刑子愿感其事，作传，赋挽诗十章，徐见以为诬，已别为传，亦赋挽诗十章。

### 方技

朝野僉载，唐贞观间平定州民魏全母失明，卜者王子贞曰：明年三月一日有青衣从东南来疗必愈。至期，见一人著青衣者，遂邀入内重设饮食，以相待。其人曰：仆不解医，但解作犁耳！为主人作之，持斧绕舍求犁辕，见桑曲枝临井

## 平定州志

杂志 拾遗

二十四

上，遂斫下，其母两眼焕然见物，此曲桑盖井所致。

致。

平定之名始于宋，此亦申后而记之也。

宋方均泊宅编，古法凿井先贮盆水数十，置所凿之地，夜视盆中有大星异众星者，必得甘泉。乾隆己丑嘉山书院东偏掘井，老民张福以此进，会阴雨不果试然，老民之言非无本者，可谓刍蕘一得矣。

### 仙释

李愈刘仙翁纪事曰：嘉靖甲申先大夫以忧制家居，率诸弟子读书于平潭精舍，去村居三里



许，隔沙河无水。夏四月适当绝粮，叔西安，二府白庵大人，令余与兄松溪归德府君取粮于村，先祖封君给米五斗，载之以驴，过沙河见一翁，中身白须，蒲笠芒鞋，宽袖布袍，伟然独盘足坐于洲上，余兄弟异之，击驴于荆，因前为礼，翁举手相答，命侍坐焉！取手相视云：不意此山村中见此二子，他日咸当金紫，皆良二千石；时予十五岁与兄力论三教归一之说以相难，翁笑曰：汝等少年，未知道之高妙也。因邀具饭，翁曰：汝尚有尊者不能专也，因别去。旬日外郡中阙然

## 平定州志

杂志 拾遗

二十五

说仙翁矣！时大中丞充斋朱公，方兄弟宪副冠山，甄公成德兄弟别驾亮斋，吕公寅兄弟与定州守菊径，任公大和时俱为弟子员，咸与之游，恒曰朱四不如朱三，甄大胜于甄二，吕氏兄弟相等，任亦当为专诚，诸君邀之饮辄醉，余人强之不饮也。翁手纹一道，贯彻中指，动问人曰：有师传此指纹乎？其他休咎言必有验。

后余私至州见翁，追随，日第去，后会汝于淮泗间；有文水一裁缝，识翁为刘太守也，遂不见；有延子者，随至平阳，私念欲归，翁曰：汝

归心动矣，归去，不留汝也。

越数载，会郡少参郝山泉无洪君曰，余见大中丞陈一石外父云，刘翁伟者陕之朝邑人，为御史当差巡按山东，余以计先之翁，遂升兖州太守，不久即故，予厚加存恤归葬。余以都御史罢归，偶立大门内，见翁过之，余初异不敢认，次日专候见翁往来，视其无爽，令家人前曰刘老爷，我老爷请你说话，翁曰：为谁？曰，陈都堂，翁曰：我正要会他。登堂叙别留饭话旧，不敢说兖州事，止说先差一节，翁曰：往事不必论。因密报

## 平定州志

杂志 拾遗

二十六

苑洛，韩公邦奇。时苑洛为僉宪，即驰至相坐，饮论往事无遗；又密报藩臬，诸公纷纷至矣！次日邀饮相序，翁曰：我布衣不敢当上宾，左辖公曰，翁系名仙籍，此为屈致。翁笑即席，因论休咎，一人先问，翁曰：君先问君当先转，次问者曰，君次及君当次转，有一僉事君曰问，翁久不在世矣！翁曰：我不曾死，怕君要死，后皆如其言。此其平定先事，而山泉述外父之说谅亦非妄。又数年郡中诸君相继出身者皆中翁料。乙未余中进士，观政都察院，仪封浚川王老掌院事，

余以后进私谒翁，因论仙事，翁曰：当今神仙惟朝邑刘伟为是，世人往往见之，因载王氏慎言集中。后余守凤阳被论，事多仇诬，余具本奏辨差人矣！因往泗洲见按院吴蓬岩公，归次大店驿将晚，见翁倏然突入，余深惊讶，翁曰：不相识耶！余忆为翁，即迎座相话，翁曰：第勿辨归去好自在也！过固镇第速行勿留宿也！一饭怅然，别去赠遗止受松布一端曰：予作一道服。次夕过固镇不饭即行，后果有盐徒千百持利刃几相值，余之郡遂浩然解绶归矣！淮泗相会之约，此其验乎？延志

## 平定州志

杂志 拾遗

二十七

### 古迹

赵家庄寿圣寺前有甘露泉，金天历间，穰全公主浴癩于泉，遂焚修于寺，寺有牡丹真紫玉道遥二种，每遇四月八日红粉相仍，人莫敢翦，相传为仙葩。见李愈记

### 孝行

周丕礼素以孝闻，乾隆年间，随州牧办皇差于五台，时值降冬，见果品中苹果尤鲜，阴念其父抱病，尝此或可少愈，遂窃一枚置诸檐间，将以遗父。而是夜家人即闻父室中有食果声，询

之，父曰：吾儿寄来苹果，吾梦中食之甘美异常，病亦旋愈；及差毕将归向檐头取果已烂不可拾矣！一念之孝感通若是，古人嚼指心痛，洵非虚语也。

孟鳌城南镇人，贼性至孝，母患噎疾医药无效；一日至流杯池恭太子祠求签祝母寿，终夜摇签未获出卒，俯伏不起，黎明忽闻耳旁有声言，饲亲人肉便愈。鳌归，即割臂烹之以奉母，母食之遂愈。

## 平定州志

杂志 拾遗

二十八

### 义行

窦贵廷家甚约，而慷慨好施。雍正癸卯秋大饥，煮米以施人食至冬，称贷银三十余两将赴直省负贩，夜宿固关客舍，有妇人哭于舍旁而甚哀，询之，知某氏子久出不归，而父死不葬，母老无养，其妻将卖其身以葬翁养姑，别在目前；贵廷写伊子假书一纸随寄银三十余两，亲送之家，伊姑媳遂合欢无他志。次日又遇过客冻馁几毙，即解衣推囊，自子身而归，后贵廷贸易直省，家业日丰，子孙绳绳，长孙镇登辛酉贤，书

称旺族焉。

石湛，字映寰，祖居州北小河村。于乾隆三十五年在该村建立义学，捐施石窑二孔，瓦屋三间，田地十亩，延师以教乡里子弟，乡人勒碑以识其美，至今存焉。

赵琛华，东关镇人，恩贡鸣西之侄，监生鸣东次子，家世孝友，居乡和平。光绪八年秋，琛华次子甫六岁，门外嬉戏，被过路客车惊而压毙，琛华疾出抱儿泣，既与兄佩华商曰，子已死，禀车夫于官究，无益于子，兄亦涕泣，令车夫去而瘞子。

### 平定州志

杂志 拾遗

二十九

### 政迹

抚宪卫公荣光，于光绪七年札谕晋省州县种桑养蚕，州牧张公彬会绅董设立蚕桑局，经营种桑，租城南菜园十六亩普种之。至八九年桑秧成林，约有二十万株，署州牧沈公晋祥筹费接办，着蚕桑局收买蚕茧，雇工缫丝织绸，比市卖者更佳，人争售焉！禀请抚宪张公之洞拨留款项，务期倡行，特示谕民间移栽桑秧，劝勉养蚕。嗟夫，旧志载种不宜桑，蚕事阙焉！兹则种桑成林，已

征土地之相宜，果人尽课其功，谁谓此地不宜蚕事也。

抚宪张公暨州牧沈公设立清徭局

经费章程并序

平定为晋东冲繁，东达燕、赵西通秦、蜀，远及新疆藩部，差使络绎而地无车辆，向以雇各驴骡支应差使，近年来差务实繁，兼有差役小甲、号夫厂夫，拉扣车牲诸弊丛生，民间实苦累难堪。光绪五、六年爵抚宪曾公国荃，剔弊改革，西南各路有驿，州县一湮积患，惟省会阳曲

### 平定州志

杂志 拾遗

三十

一县，南路灵石一县，东路平定州并所属盂、寿二县差累尤甚，办理棘手未遑定议，七年经前抚宪卫公荣光奏明议筹办法，札谕各州县办理在案。平定州牧亦曾设法办理，徒以役繁费重措手为难，卒无成效。

八年春，抚宪张公之洞奏明差徭扰累公行，致令商旅相戒为畏途，残黎日朘于苛政，亟宜速画良规，早苏民困云云。因平定州并所属盂、寿二县，为晋省东来第一驿最冲最繁，特调绛州直隶州知州沈公晋祥署理州事，委太原府知府马公丕

瑶会同筹办，迭经传见绅耆，详加咨询，僉称应以禁止拉扣车牲，筹款雇备支差为清徭第一要义，并经酌拟章程，暨通年所需经费若干，会详送呈宪台查核，蒙批议定裁撤骡柜禁止差票别筹经费，由官设局经理，平定则以该州自愿捐出裁省摊捐原有当规，并筹发官本生息酌拨槐、苇两务厘金叠据，拟议支差章程均经核定，飭遵在案。并示著为定章勒石城关四达之衢及各驿驛门，务使众目共睹以图永久奉行，于州城西关设立清徭总局，柏井驛设立分局，计自八年七月初一日起是举也。

## 平定州志

杂志 拾遗

三十一

抚宪张剔弊改章真能清源，而拔本州牧沈拟规筹费并见奉公而忘私，诚自来未有之善政，其造福于吾州者甚大，泽及于四方行旅者实无涯矣！尤赖后之为司牧者随时整顿，使司事诸绅各宜遵照章程，慎勿因循以滋弊焉可也。

奏折札諭批示会票  
俱详刻清徭局碑

平定州并所属盂县、寿阳清徭通行章程

一、平定并所属之盂寿二县差徭向不按粮摊钱，亦无里下支应此后仍应概免摊派，以恤民艰，又前议设立骡柜抽收过往车驮套钱，架钱以

资津贴雇备车馱之用。现奉宪札奏明筹款办理所有前拟设立骡柜章程亦毋庸议。

一、平属差徭苦累以拉扣车馱积习为最恶，州境之甘桃、柏井、平潭三驿，孟县之测石一驿，寿阳之寿阳、太安二驿一并出示禁止拉扣丁书差役，地方小甲如敢故违，查出重究。

一、此后支差应用车馱酌中定价设局雇备，孟县祇测石一驿，议明无论东来西来各差，凡应用车骡骆驼者，东由平定径送寿阳，西由寿阳径送平定，惟应用毛驴差使则仍由测石驿接换，差

## 平定州志

杂志 拾遗

三十二

务较简所有招雇发价等事责成该号办理无庸设局，其平定之平潭、柏井，寿阳之寿阳、太安四驿均设清徭局，延请绅士经管，招雇支发各事宜，以联官民上下之情，以杜丁役拉扣侵克之弊。

一、东来应用车骡骆驼各差，由平定之柏井驿接换，送寿阳交卸，再由寿阳接换，送榆次县之<sup>王胡</sup>交卸，<sup>鸣谦</sup>西来应用车骡骆驼各差由寿阳之太安驿接换送平潭驿交卸，由平潭接换，送直隶之井陘县交卸；东来应用毛驴各差由柏井接换，至平潭



再由平潭倒换，至测石驿交卸，由测石接换，送寿阳驿交卸，由寿阳接换至太安驿，由太安倒换至榆次县，王胡 鸣谦交卸，西来应用毛驴各差，由寿阳之太安驿接换至寿阳驿，由寿阳倒换至测石驿交卸，由测石接换至平潭驿交卸，由平潭驿接换至柏井驿，由柏井驿倒换至直隶之井陘县交卸。永以为定，不准越界，不准少送，无论车辆骆驼驮骡毛驴，均只各送本境，不准扣打过站。

一、车辆骆驼驮骡无论东来西来，向章经过测石驿，该驿每车津贴钱四百文，每驼每骡各津贴钱三百文，此后既不倒换，议明无须津贴，所有由平至寿由寿至平车驮脚价悉由平寿付论，惟毛驴一项仍由测石驿接换，应由孟县发价。

一、餉鞘差使例由厂夫抬送，无论东来西来，经过孟县，均于芹泉驿接送，应仍照旧章办理。

一、此次改章剔弊专以禁革拉扣车驮为重，凡各差需用抬夫、纤夫、灯笼夫等，向章按村拨夫倒换，此后应仍照旧章支差，不准推诿。

一、过境兵差例有报销，迭经禀奉遵行有

## 平定州志

杂志 拾遗

三十三

案，此后仍应悉照旧章办理，其有应由邻封协济并票差庄驴驮送者，均照章供支，不准推诿，惟军装器械必须雇用驮骡骆驼者，由清徭局雇备，于事竣，禀署另案报销。

一、平寿延绅设局，应需局用辛资并雇备车牲脚价，通年经费钱各以八千串为率，孟县之测石驿不设公局不换车骡，通年驴价钱以一千串为率，孟县之款议明由平定于经收坐贾厘金项下，分四季拨给，由该县各具文领存案。

一、各差应用酒席差费铺垫、油烛、水炭等项均由署内备办，不准取给于清徭局，凡各差应用车驮遵照奉发章程供支，不准徇私滥应。

### 平定州清徭章程

一、州城之平潭驿，州东之柏井驿均接换车驮之所，应于州城西关设立清徭总局，柏井驿设立分局，延派绅士驻局责成管理招雇支发一切事宜，不准假手胥役克扣弊朦。

一、平定本境无车，遇有差使，应以驮骡骆驼支送以五十里为一站，每站定价六百文，由州城东送以井陘作两站半算，由柏井西送寿阳作三

站算，不管回头，架窝一乘，准作三头折算，如大差需用较多须先期招雇者，守候一日每头发半价，钱三百文，如本境不敷须向远处招雇者，三十头以上准经手招雇夫头，每头领盘缠饭食钱五十文。

一、毛驴支应日常流水差需用最多，道里远近不一，未便按站定数，不论送往何处，每头每里均定价三文二毫，按里核发。

一、毛驴驮送餉鞘干系最大。每鞘每五十里定价一百文，每头只准驮送两鞘不准多驮，以昭

### 平定州志

杂志 拾遗

三十五

慎重，价归局发，所有一切事宜，仍责成厂夫办理。

一、毛驴驮送火弁牌差，须随到随走，即深夜雨雪不准片刻停留，差使最苦；若差到时排驴外出，雇沿路回脚驮送，由州城送<sub>测石柏井</sub>，由柏井送州城，每头于正价外，日差准再津贴钱四十文，夜差八十文，由柏井送井陘按里照加。

一、毛驴架窝一乘，每五十里定价八百文，由柏井送井陘按里照加。

一、驮骡骆驼须赴各村并远处招雇，不能遍

排上号，毛驴一项每年于春秋两季，凡附近城柏各村镇共有若干头，由该局绅清查一次，一律上排，遇差轮应俾免推诿。

一、甘桃驿向不支差，其火弁牌应用毛驴就地雇送，该价由柏井分局支发。

一、总分两局，每局各派绅士二人，每绅月给薪水钱六千文，雇工四名，每名月给工资钱一千五百文，每局每月准支火食油，烛纸张各杂用钱三十千文，房租钱在外，月清月款不准预支。

一、每月津贴，东西关小甲地方钱三千文，

## 平定州志

杂志 拾遗

三十六

四班钱六千六百六十六文，兵房钱四千三百三十四文，署内司事钱四千文，差门钱四千文，柏井差头钱一千五百文，甘桃差头钱一千五百文。

一、差使到境，应用牲口多少，由署内刊刻照票填明实用数目，及送往某处发局，验明照数应付，月底仍将各票缴署，以杜滥应。

一、甘柏两驿麸豆并署内运送名差次，铺垫器具等物，向系按村拉驴转送，此后一律禁革，悉由清徭局雇驴径送，以恤民力。

一、接送过站人犯，凡路过各村均摊钱帮贴

该犯，俗名红衣差钱，此后一律禁革，每犯一名由局发给驴价钱一百二十文。不准摊派村民。

一、柏井驿号马，所需干草麸豆，向系民买民卖，不由草豆局经理，凡遇客马及过站马应需麸豆有向地方催办者，颇多扰累，此后，悉由该号民卖民买，由局发价，不准摊派地方。

一、无论大小差使应用酒席使费、油烛、水炭铺垫器具，均由署内各办，不准丝毫向局取用开销，其大差探马饭食，听差各役饭食，茶汤、壶吹、炮手工食由署核明填给照票由局开支。

## 平定州志

杂志 拾遗

三十七

一、各差自带长车，长骡应发短价，仍照旧章，每套每站发钱二百文，每骡发钱二百文，不得援照现定雇价发给。

一、总分两局各绅经管招雇发价，不准丝毫克扣，如雇工人等有侵扣情弊，或署内丁役地方小甲人等有拉扣等情，访查得实，准该局绅稟署究办。

一、总分两局经费，通年约共钱八千串，除署内捐款应按月照付外，其厘卡协济及当行生息规费等项，均隋到隋收，应于每月底将实收若干，支

用若干，实存若干造具管收除在清折，一面榜示局门，一面呈送署内查核详报各宪，盈余若干不准存署，不准存局，公举可靠行店，具领收存，不取利息，年终总结实存若干，提出总数若干，禀明生息，仍以零尾暂存行店，以备次年及有闰之年不敷之用。

一、驻局各绅议明每年于七月分，由城乡各绅公举稟商本州给谕更换，设有亏挪经费，误公徇私等弊，惟公举人是问；再局绅果能实心任事，经理得宜，准由该绅等公举稟请接充不限年

## 平定州志

杂志 拾遗

三十八

月，倘查有弊窦或不恰众情，亦准随时更换。

一、驻局四绅之外，因事经创办，时有商酌变通等情，议明另延总司，勦理绅士二人，不给薪水，年终酌酬劳敬，每人不得过二十金，以资往来车轿之用。

### 平定州差徭经费款目

一、奉发官本银五千两，常年一分生息，共息银五百两。

一、春冬两季，奉拨苇泽关厘卡协济银六百两，钱九百千文。

一、夏秋两季，奉拔槐树铺厘卡协济银六百两，钱九百千文。

一、州署捐助裁免摊捐银九百两。

此款原禀系九百五十两九钱四分，内菜河、平鲁缺荒二款共银四十三两一分七厘厘未准裁免，仍应提还，以九百两整数永远捐助，以归画一。

一、州署捐助州乐各当通年规费银八百两

此款原禀系八百八十四两，内有门包、寿礼等八十四两，似涉烦琐，是以提还以八百两整数永远捐助，以归画一。

以上共银三千四百两，钱一千八百串。

一、请留州乐，坐贾厘金，通年约五百两，议明无论收数盈绌，作钱一千串协济孟县按季饬发。

# 平定州志

《平定州志》标修后记

《平定州志》自明代万历间（公元一五七三至一六二〇年）进士延伦创始，至清光绪八年（公元一八八二年）知事张彬续修，全册十六本，约六十万字。较翔实地记载了古之平定历史沿革、山川地理、民情风俗和政治、经济等，可谓通古今变，成一方之言，读之「晋东雄镇」，「文献名邦」昭然。此后近百年间，旧志存本历经沧桑，几濒绝危，继修之事鲜有人问。

自中国共产党十一届三中全会后，政通人

平定州志

后记

四十

和，经济繁荣，太平盛世，党力倡编修地方史志，为振国兴邦，培养人们爱国主义情操，激发建设社会主义精神文明的热情。一九八四年四月平定县志编纂委员会在县委书记李海双、县长李天瑞主持下，分别召开会议。组织力量加速对张修旧志涌云楼藏版标点断句，岁余，标断完毕。

同古之所有「正史」一样，《平定州志》中的一些历史事件、人物记载难免带有封建色彩，但作为一份重要历史遗产，其借鉴价值是不容置疑的。新标《平定州志》必将在建邀社会主义精



神文明和物质文明中发挥作用。

此次标修过程中，得到县委、政府领导和财政局、档案局、文化馆等有关部门的大力支持，同时得到有关领导同志和知识界张忠智、穆建民、李铭魁、李宿定、王毓贵、晋如祥、赵生堂、蔡守惠、常一中、任光、王世茂等同志的文字核定。以及平定印刷厂梁吉星、周崇璞等干部、工人的通力协作和支持，在此一并表示谢意。

平定县志编纂委员会

一九八五年八月八日

## 平定州志

后记

四十一

重印《平定州志》标修责任

责任标修

王启毓 陈桂芳

标 断

刘佩琳

绘 图

李广华

封面设计

李俊瑞

责任校对

光 侗 杨擢甲

印 刷

平定印刷厂

县志办住址

城内姑姑寺五十三号